

# DEO OPTIMO MAX.

## UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

### DISSERTATIO MEDICA,

#### QUOD LIBETARIIS DISPUTATIONIBUS

*manè discutienda in Scholis Medicorum, die Martis quartâ mensis Aprilis, anno Domini M. DCC. LXXX.*

M. JOSEPHO-JACOBO GARDANE, Censore Regio, & Regiæ Scientiarum Societatis Monspelienſis, nec-non Regiarum Academia-rum Nançei, Divionis & Maſſilia Socio, Doctore Medico Præſide.

*De Morbis à ceſſatione Menſtruorum, vulgò dictâ, Tems critique.*

#### S. I.

I. CUM varii morbi ſunt toti hominum generi communes, tum permulti & pergraves ii, qui ad mulierum conditionem lege propriâ pertinent. Prima enim ætas, ut floribus, ita ſpinis conſperſa eſt, & acceptam à naturâ procreandi facultatem non ærumnis animi tantum, verum etiam corporis ſalute redimit. Deindè ſanctiſſimo ſœdere conjuncta, dulciſſimam matris voluptatem percipit exultans; ſed moleſtiſſimum pariendi tempus antecedit incommoda valendo, dolores acerrimi comitantur, ſequitur malorum multitudo incredibilis. Tandem ceſſantibus vitæ quaſi anteceſſionibus, tempora incidunt lubrica, quibus vita mulierum maximo in discrimine verſatur. Quam ob cauſam non immeritò dicta ſunt illa noſtro idiomate, *tems critique*. Miſerabilis certè ſexus huiusmodi conditio, qui fundat vitam exterius, internâ morte commutatam!

II. Quamobrem quæ Altrucium antea moverat magna rei utilitas, ea nos impulit, ut morborum huius generis naturam & cauſas inveſtigaremus, & quânam ratione expediat illis occurrere vel mederi, diligenter explicaremus: Sed neceſſe eſt exoriri à principiis quibuſdam anatomico-phyſiologicis, ad doctrinam hanc noſtram ſpectantibus.

III. DE UTERO. Triplici ſubſtantiâ conſtare uterus, formâ notiſſimum, conſentiant inter ſeſe Clinici & Anatomiciſtæ. Nam alia quidem ſpongioſa eſt &

E

A

cellulosa, tempore graviditatis maximè conspicua; alia verò musculosa vel contractilis, de quâ nullum unquam obstetrici fuit dubium; tertia deniquè vasculosa, quam satis superquè indicant vasa cujuscumque generis, per totam uteri capacitatem variè disseminata. Hanc autem nervis copiosissimis esse refertam ex eo apparet, quod visceri indita sit vis sentiendi omnium maxima.

IV. Inesse etiam utero suas glandulas ab ovariis distinctas, autumaverunt Hallerus & Astrucius: ut ut sit, certum est inesse illi cryptas plurimas in collo visceris, & vaginâ perspicuas, seu sebum ad lubricandos delicatiores parietes idoneum fecernant, seu mucosæ & lacteæ substantiæ separationi & excretioni faveant.

V. Hæret in pelvi uterus nec pelvim exuperans, urinariâ vesicâ brevior, hanc inter & rectum intestinum supernè ad posteriora declinans, vicinis visceribus molli-ter fultus, ligamentis adornatus potius quam devinctus, collo proprio & vaginæ tanquam pediculo adhærens, & cum illâ ad angulum se habens, facile ad partes varias deflectens, communius verò in dextrâ positus, repellente intestino recto à sinistris, aliquantulum sito, sæpèque flatibus & stercore turgido (1).

VI. Partitio præcipua matricis, non aliter ac generalis corporis sectio, sit juxta perpendiculum, etsi hæc in mulieribus apparet minus quàm in brutis; tubæ quoque fallopianæ, quadrupedum uteri cornibus correspondent, singulaque prædicta matricis pars, cum mammâ ejusdem lateris relationem habet: quâ quidem in re, cum Hippocrate sentit Clinici autopsiâ (2).

VII. Quæ cum ita sint, patet uterum aut quasdam hujus partes maximè sentire, magnâ etiam lassis, muci & sanguinis copiâ posse oppleri, eumque suapte naturâ flexibilem admodum, seorsum, deorsum, & ad latera plus minuscule divagari (3) vaginam tùm comprimendo, tùm distrahendo. Quapropter totum in corpus dominationem tantam exercet, ut spasmos, commotionesque nerveas concitet eò vehementiores, quod viscus magis adhæret iis corporis partibus, quibus illud inflammatur ad libidinem. Unde post Hippocratem Aræteus, singularem illam matricis vim & energiam cogitans, vulvam in feminâ se habere ait *quasi quoddam in animalis mali animal* (4).

VIII. DE MENSTRUORUM CAUSA. Innumeras ferè opiniones de menstruatione natas delevit longa dies. Restat una tantum, quæ illius causam plethoræ tribuit: quod scilicet sanguis coacervatus, ab utero difficiliter ad superiora redeat, cum propter laxiorem arteriarum textum & obliquitatem, tum etiam propter

varios vasorum cujuscumque generis anfractus (5), sacculosque venosos ab Astrucio venas cæcales idèò nominatos. (6) Quæ quidem sententia verisimilis primum ex eo videbatur, quod singulis mensibus redundans in humano corpore sanguis vasa uteri complere deberet, magisque impedire, donec per diabrosim, aut anastomosim, aditus pareret latici sanguineo.

(1) Haller element. physiol. T. VII, pag. 22.

(2) Recherches sur les maladies chroniques. Analyse du sang, excretion sanguine & lacteuse.

(3) Morbum de quo unice quereret affectiones aiebat, fuisse uteri, quem sibi huc & illuc per ventrem tunc moveri, & ad fauces ascendere, cum suffocationis interdum sensu asseverabat 33. Morgagni de sedib. & causis morb. pag. 181, 17. 23. Quæquidè etiam hyperbolice dicta, viscera tamen in partes imperium graphicè delineant. Utrum hæc commotiones, cum electricitate et torpeditate testibus comparari possint? Res fortan satis digna est de qua quaeratur.

(4) De causis & signis morbor. acut. pag. 24.

(5) Haller Elem. Physiol. T. VII.

(6) Astruc, Traité des Mal. des Femmes, Tom. I.

IX. Sed istam *Mechanistarum* sententiam deseruerunt, quicumque irritabilitatem corporis, vitamque huius, ut ita dicam, distributivam, attentius examinarunt. Numquid enim non debuissent apud infantes & foetum ipsum fluere menstrua, cum major sit tunc temporis matricis ad pelvim & ad totum corpus proportio <sup>(1)</sup>, laxiorque visceris compages, non minus interdum vasa opplente plethorâ, hæ-

(1) *Haller, Element. Physiol. T. 7, p. 45.*

morrhagiis alterius generis antè pubertatem conspicuâ? sed erumpunt menses in puberibus tantum; cessat illorum fluxus, ubi generationi fœminæ fiunt minùs aptæ, licet ante ortûs & cessationis illorum epocham, locum habuerint hypogastricorum vasorum laxitas, obliquitas, auctaque diameter: ergo à pubertatis primo insultu, potius, quàm à suppositis istis causis mechanicis, menstruorum origo repetendus <sup>(2)</sup>.

(2) *Bordeu, Rech. sur les mal. chroniq. Analyse du sang. cachex. féminale & sanguine. Eaque fuit plurimorum authorum sententia.*

X. Igitur quemadmodum partem qualemcumque videmus incallescere, rubere, in tumore attolli, lymphâque & sanguine ingurgitari, ubi titillatio major, irritationis proxima, erethismum & tonum excitans, majorem in illam invehit fluidi copiam; qualia etiam varia corporis organa, ut nares, cutis, bronchia, anus, vesica, ventriculus, &c. sanguinem fundunt, ubi nimium irritantur viru variorum, herpetis, elephantiasis, aliòvè contagio, vel etiam veneno cantharidum & serpentis Hæmorrhoi, aut demùm materie morbificâ per crism alicubi depositâ, ut modum quo sanguine tumescit æstro venereo excitata penis prætermittamus, ita matrix apud puberes, æstuantis primùm humoris prolifici effluviis perfusa, titillatur, movetur, afficitur, copiam mucî & lymphæ in propriam substantiam attrahens, donec æquo plenioris venarum sacculi, redundantem sanguinem in uterum effundant: indè **MENSTRUUM** <sup>(3)</sup>.

(3) *Id. ibid.*

XI. Hinc etiam fit quòd in puellis, in quibus ætatem solitam prævertunt menstrua, mammæ fororientur, vox sit plenior, firmior cutis, aspectus securus, cæteraque occurrant pubertatis signa: ut confirmant multa hæc de re passim observata <sup>(4)</sup>, ipsaque praxis propria in puellulâ septem annos natâ. Tantum est in matricem & corpus totum, plethoræ feminalis imperium! Nec ab aliâ causâ pendet cruenta illa uteri purgatio, quæ catulitionis tempore in nonnullis quadrupedibus observatur, non desitura, nisi consopito periodico isto ardore venereo.

(4) *Hist. de l'Ac. des Sciences. Vanderviel, Traduct. de Planque, T. 1, p. 322.*

XII. Quam ob causam vita cælebs fluxui mensium obest, prodest verò conjugale commercium: ex quo fit etiam, ut mulieres ad voluptatem propensiores copiosius repurgentur, si appetitum expleant: contrâ puella naturæ impulsui severè repugnans, lentâ febre, verè dictâ *amatoriâ*, miserè consumitur, quam nulla venis expellant remedia, donec ægrotanti succurrat Hymenæus, Æsculapio potentior. Ex eâdem deniquè causâ nascuntur mæror, anxietas, fluxus menstrui perturbatio, cachexiæque variæ, quibus moniales virgines & fœminæ à conjugate separatæ obnoxie sunt, dum simili fermè, etsi aliò translatâ ratione, generatio menseseque in junioribus sub ardente sirio celerius explicantur.

(2) » Nihil hic video, quod per sensus disci, aut ostendi possit; nervorum tamen per priora phænomena manifestum potestatem sentios ultra vix eunq. in Hall. Phys. 1. 2. cont. p. 565, Tom. VII.

(3) Sannar. siatira, cypar. et Égais de Phys. p. e par Senac, Tom. I.

(4) Hall. Éléments, Phys. Tom. VII.

(4) Sennert, op. T. III, p. 569. Haller & Borden loc. citat.

(5) Lib. Aphor.

(6) Borden, Analyse du sang, cachex. lacteuse. Est nervi in lacte acce magna potestas, Haller, T. VII.

(7) Hip. loc. citat.

(8) Collect. Académ.

XIII. Et si porro feminis agitationem & intumescētiā menstruorum causam esse dicimus, cuius principium inquirant audaciores (1), non negamus tamen ad ea conferre vasorum uteri anfractus, laxitatem forsitan, auctamque diametrum. Partes quoque suas in iisdem habere potest, quæ periodicam plethoram feminalem sequitur periodica pariter plethora universalis, in utroque sexu à physiologis observata: (2) sed hæc & alia huiusmodi, causæ tantum secundariæ dicenda sunt, quod nullum ferè effectum habuissent, nisi antecessisset causa efficacior jam assignata.

XIV. DE MAMMIS. Mammæ, formâ & situ satis cognitæ, vas sanguineis, lymphaticis, glandulis, textu celluloso & nervis præsertim ut matrix abundantes, (3) cum hæc etiam proprio voluptatis organo, papillâ scilicet, instruuntur. At verò ut scitu facilis, ita per difficilis explicatu, magna illa quæ mammas inter & viscus viget, consensio. Tantâ enim tenentur inter se junctio, ut quidquid illis jucundum vel molestum acciderit, ad hoc etiam pari ratione referatur. Quare Sennertus: *feminae, si ipsas mammas contrahantur, libidine tentantur* (4). Ex quo fit etiam ut Hippocrates, ubi de gestatione mulieris, admirabilem hanc consensionem & quasi harmoniam toties laude celebraverit. (5) Illarum namque ministerio lactificationis opus à matrice jam inchoatum perficitur, cum post partum humor lacteus ab infimo ventre ad superiora fertur. In quo minùs certè habenda est ratio anastomosis vasorum textusque cellularis officii, licet eodem spectantis, quàm sensationis à matrice per nervos ad mammas permanentis, titillationisque in papillâ ab infante excitatæ; postquàm cessavit, quæ antè fiebat per placentam ad uteri parietes, æquivalens titillatio. (6)

XV. Quapropter meritò docuit nos, idem qui cætera, Hippocrates, ab utero ad mammas lac advenire, ut sit post partum alimentum; *menstruaque deficere huic quæ lac habet, licet non sit prægnans, nec puerpera; lac ad mammas ope cucurbitulæ attrahi; rectè subjungens alio loco, si mulieri uterum gestanti lac à mammis fluat, debilem esse fatum; si verò solidæ fuerint mamme, saniozem.* (7)

XVI. Quæ quidem confirmat effluxus lactis per alias partes à practico observatus, quando menstruâ suppressis recrementum illud à mammis aliò incautè repellitur. Multa huiusmodi observata reperire est apud varios auctores, in quibus vim maximè facit exemplum illud puberis viginti annos natæ cui, referente D. Bourdon (8), per exiguas pustulas parti superiori femoris sinistri, sicut & vulvæ labiis adnatas lac effluebat, suppresso interdum fluxu mensium periodico. Id ipse compertum habui in fæminâ, apud quam lac eodem ferè modo per externa pudenda abundè utrimquè scaturiebat.

XVII. Ex quibus intelligitur maximè differre lac verum, & serosum istum laticem è puellarum papillâ non rarò effluentem; quippè quod humor ille quidē

opéra matricis elaboratus, vitalem quasi spiritum succos vè seminis optimos hauserit, expresserit (1); hic contrà insulfus, aqueus, ipso lactis sero tenuior, nec robur ingenerare valeat, nec alimentum nisi debilissimum suppeditare. Quocircà rectè cum Hippocrate & Cordeo, Laurentius lac virgineum à puerperiali sejunxit; Senertusque (2) idem sentiens, meritò cum divino Sene: *non verum lac per molam generari, sed potiùs crudam materiem, progressu temporis evanidam*. Quam sententiam deindè susceperunt multi recentiores (3), quos inter solertissimus observator Schmid, qui cum lacte mammis puellarum & non nullorum hominum stillare vidisset, licet in his rariùs, se nihil aliud præter fluidum limpium & aqueum reperisse confitetur. (4)

XVIII. In immensum cresceret argumentorum multitudo, si quæcumque nostram confirmant opinionem, ea hic aut luberet, aut vacaret enumerare. Præsertim verò si naturam occultè & verecundè agentem liceret oculis monstrare, faciliùs innotesceret undè tanta mutatio & perturbatio corpori adveniat, cum primùm explicat fescer onjunctionis appetitus; quantum ipsi etià animo perniciem & quasi vastitatem inferre valeat aura feminalis in vesiculis collecta & condensata; quam infando cruciatum genere torqueantur miseri isti, oris habitu tantùm homines, munere naturæ injustè spoliati: (5) nec dictu etiam difficiliùs esset quàm arte pastores insufflando cum arundine in uterum vaccarum, lac uberius ad mammas detrudant. (6) Sed hæc & alia hujusmodi permulta, etsi ad morbos postea explicandis pertinent, omittimus:

*Quæ prohibet pudor, & castæ reverentia musæ.* Calliped.

XIX. Unum igitur superest de quo quid dicam, robur scilicet illud & splendor cutis, quibus apud puberes intendit sese actio plethoræ feminalis in textum cellulofum<sup>1</sup>, quibusque pulmones totius hujusce textûs primariam officinam quasi diceret. Augescit enim in dies, toto pubertatis tempore, textus cellularis, fuscisque vegetioribus continuò alitur, quamdiù incitant seminis molecule; contrà deficiente hoc incitamento, languescit ille & quasi arefcit. Hinc vel corpus horret tristi macie, vel pinguedine abundat, sed molli prorsus & cachecticâ. Ultrò dicas humorem prolificum fermento ferè similem, ab imprægnationis tempore, ad fœtus usquè formationem, succorum nutritiorum accessione dilui; deindè ab hâc epochâ ad pubertatem usquè, motu tum sanguinis, tum muscutorum ità subigi & confici, ut vitam novam corpori infundat, & quidquid huic vigoris & roboris accedere potest, postea verò dissipatum, ad hujus depravationem nunc, ut antea ad perfectionem, conferre, donec exhaustis succis feminalibus, recurrant infantæ tempora: simili ratione quâ farina subacta, si sit spirituum experts, & nimium diluta, decidit non amplius fermentatura; hincque magna illa infantes inter & senes simi-

(1) Neque tamen in mammis castæ virginis lac generatur: id ut hæc stimulo aliquo opus est. is quidem finis in earis non nullis exemplis fuit fucio. Haller, lact. secret. Element. Phys.

(2) T. 3, p. 563.

(3) Borden, analys. du sang, caches laiteuse.

(4) Collect. Acc. Tom. X.

(5) Vide apud Borden, loco citato.

(6) Observavit in Pyrenæis montibus & reulit nobis sagacidinus Bayen, in rebus physicis & chemicis maximè exercitatus.



lirudo. Quibus expositis, reliquam partem persequamur, quæ spectat ad morbos cessationis menstruorum.

### §. I I.

XX. Q U A M rationem mensibus ortum dare antea diximus, eandem ad eorum interitum transferre facile est, rerum tamen adjunctis accommodatam. Ut enim lunâ à mari longius digressâ, sistitur fluxus aquarum, spumæque fecundæ agitatio; ita apud mulieres desinunt menses fluere, cum procul abiit pubertas, fontesque vitales exarescunt. Quod quidem contingit in utroque sexu, ab anno quadragesimo ad quinquagesimum. Ne tamen credideris hoc temporis intervallum ita esse definitum, ut non possit magis vel minus patere. Vices enim sibi junctas habet, quas afferunt multæ causæ, vitæ scilicet ratio, numerus graviditatum, partus difficiliore, schirri (1), aliæque affectiones utero magis, minusve infestæ. Quid enim hæc in re posset vasorum uteri annis contracta durities, præclara ista *mechanistarum* inventio? Nihil omnino, aut parùm certè, idque secundariò tantùm, ut causas istiusmodi ad fluxum conferre antea diximus (XV.) Nam ut uteri, ita cæterarum corporis partium vasa pari ratione obduruerint. Undè quantum illa sanguinis declinationem promovere niterentur, tantùm hæc eam impedirent. Sanguis igitur ad assueta colatoria reversus, per hæc ut antè fluere pergeret.

XXI. Sed cum matrix vitam quasi propriam totamque generandi vim ex seminis fontibus hauserit (XI), necesse est illam fecundis irrigationibus orbatam languere otio, somnoque torpere, nullo motu excitandam. Hujus itaque substantia iners & extincta (2), atque, ut ita loquar cum Silvio, *stupidiore facta*, fluxionem menstruam jam desinit attrahere, aut imbecillius attractam, nequaquam satis foras expellit. Undè visceris oppletiones continuæ, affectusque diversi, toti mulieris corpori cum utero communes, *mirâ cum aliis partibus, uteri sympathia!* (3)

XXII. Instante verò procelloso hujus generis autumno, tristioris hyemis sinistro prænuncio, *primæ malum accipiunt mammæ.* (4) Hæ enim si glandulosi obstructionsibus antea laboraverint, non rarò in skirrum cancrumve abeunt; aut etiam multa incommoda feminis afferent, si insarctui textûs cellulosi favere videantur. (5) Præterea dolentes mammæ, etsi laxæ & flaccidæ, sensim *extinguuntur.* (6) Et sicut in graviditate juxta Hippocratem mammæ abortum prænuntiant, vel foetus unius, si utraque gracilis; vel alterius tantùm, si alterutra, ea nempe quæ ad gemellum pereuntem prospicit; ita post absolutam mensem periodum, extincta ubera uteri mortem portendunt, dùm scilicet alterutra mamma, quid patiatur latus matricis sibi subjacens, certò declarat. (7) Quod quidem faciliè intelligitur ex cancro mammarum, tempore critico, sæpè sapientius observando. (8) Ad hoc accedit, quod ipse vidi in muliere annos quadraginta circiter natâ, quæ dolentem tumorem in mam-

(1) Schirros potius pro causâ cessationis mensium habere quam pro effectu. Haller, *Elem. Phys. pag. 156.*

(2) Franc. de Leboe silvii, *Præcis Medic. p. 370.* Vide etiam quæ de iis scripsit Bordenus, in exinilio suo de glandulis lino: *Recherches sur les glandes* ubi matricem, ut glandulas omnes, vitæ motique peculiatibus obnoxiam esse, nitidè ostendit.

(3) Lorry, de morbo. cutan.

(4) Id. ibid.  
(5) Bordenus, *malad. chroniq. cachex. latente. Rodericus de castro, de morbo. mul. lib. 2.*  
(6) Lorry, ibid.

Mulieris quæ totâ Provinciâ Parisiis confluunt ad domum publicam instantium nutritioni præpositam, nostrisque curis committunt, dicunt hac extinctionem, *lat. more*, istud quod ad finem desidentem & ex succum pertinet.

(7) Hippocrates, *lib. de morbo. popular. lib. VI.*

(8) De vinctis femines qui autem des cancertis,

mæ dextræ textu celluloso tandiū patitur, doncè dolorem vicissim suscipiat matricis pars dextra, & fluant menses, tunc rariores; quibus cessantibus dolor & tumor ad mammam recurrunt. Idem fermè habui exploratum, in aliâ ejusdem ferè ætatis nec melius menstruâtâ, cui per mensem intervalla lac spissum, vel mucus è papillâ sinistra exprimitur, quâ exarescente, dolor leviusculus permeat ad matricis latus id, quod papillæ interea recreatæ subjacet. Ex quo hanc sententiam his verbis egregiè quidem consignavit Hippocrates: *Si mammarum papillæ rubor pallidus fuerit, morbosum uteri vas est* (1); quippè quod in prælagiendo matricis statu, multum valeat mammarum observatio.

XXIII. Nec mammis tantum, sed thoraci etiam malum infert uterus; ex quo fit, ut pectus hæc ætate difficiliori, pessimè se habeat. De quo quidè nemo dubitare poterit, qui voluerit cogitare pubertatem & pectus tantâ junctione inter se teneri, ut actio pulmonis ad menstrua & genitalia conferre multum valeat; tum quod delentur illa in adultâ phtisi pulmonari; tum quod fervet magis in phtisicis voluptatis appetitus. Quare sæpè evenit, ut, cessante prorsus menstrua repurgatione, miserè incidant mulieres, aut in hydropem pectoris indelebilem, aut in atrociorem phtisim pulmonarem. Dolens eheu recorder; sic periit dilectissima parens, multis illa bonis flebilis, nulli magis, quam mihi!

XXIV. Multa etiam & varia, hæc præsertim ætate, sequuntur ex lacte incommoda, si quæ ad mammas ascendit recens nati alimonia, hæc usu infando ad uterum fuerit repulsa. Ità enim fit, ut vis naturæ inferatur, succio & titillatio congruentes desint mammis, quæ proinde amittunt motum illum nerveum, quo lac conficientes, matricis vices gerere debuissent (XV.) (2) Fractio igitur tono uteri, simulque totius textus cellularis functionibus perturbatis, lac ad inferiora per vim regressus, injusto viscus premit pondere. Hinc uteri sensus gravis & molestus, ovariorum nimia oppletio, fluor albus diuturnus, relaxatio matricis, colli hujus obstructio, diductio, imò & erosio quandoquæ, vaginæ compressio vividior (a), affectiones nervæ quam multæ, aliaque id genus symptomata, accedente mensium absolutâ cessatione, tantò graviora, quantò magis tunc temporis pondus ovariorum suaptè naturâ augetur. (3) Quid & diu corpus in tanto versatur discrimine, mens ipsa è statu suo quoque

il y en aura quinze, qui seront dans l'âge de quinze à cinq à cinquante ans, où la nature a coutume de faire cesser les évacuations menstruelles; ce mal est fort fréquent dans les Couvées de filles. *Boissier, Cours d'Opérations.*

Aliquæ puellæ recens pueros, glandulis mammarum sæpius tenentur. An id ab illarum & matricis labore multum cohabitato; quemadmodum similia videtur ubi menstrua male desinunt? Ita enim à se observatum fuisse nobiscum communicavit D. Micheli, in rebus Medicis variè veritatis.

(1) Hippocrate, de morbo, popul. lib. VI.

(2) Boissier, *malad. chroniq.* loco citato.

(3) Cum ætate ovaria dura sunt & squalida & rimosa... frequentes in ovaris scirrhi sunt... ab ætate etiam est vitiosus ovario. *Haller, Physiol. elementa*, Tom. VII.

(a) Has vaginæ & colli uteri affectiones nequaquam satis cognovisse videntur auctores, si tamen unum excipias petitiolum Sabbathier (*Mém. de l'Acad. de Chirurgie*), qui quomodo comprimi & dolere possint illæ partes, accuratè descripsit. Idem accedit annotatio alterius auctoris, de statu matricis primis imprægnationis temporibus. (*De la génération*, &c.) Traduit de la Physiol. de Haller. Semel vidi mulierem gravidam quæ cum nullum dolorem perciperet ex ostio matricis nefariâ arte diffracto, postea affectionibus nervis vehementissimè correpta fuit, & miserè cruciata. Ex quo intelligi potest, ab affectione colli matricis, & si delictis expertis, morbos mulierum spasmodicos plerumque generari.

dejicitur; mæore confecta juventutem, venustatem, & quidquid tempus rapax  
secum abstulit, continuò cogitat, desiderat, reposcit, sed frustra:

*Humanæ nimia inconstantia fortis!*

*Floridus hic periisse decor jam cepit & ævi*

*Conditio infelix, lapsos desiderat annos:*

*Jam rugæ subeunt (1).*

(1) Calliped.

XXV. O fortunatæ, sua si bona norint, puerperæ! Recens ex se natum *sinè Magistro, duce naturâ, mammas appetentem, earum ubertate saturarent*, atque ita ingenerato sibi à naturâ in suos amorì tradentes sese, jucundissimo matrum sensu, castissimis infantum oculis jam, & perpetuo in posterum amore, fruerentur. Sed proh dolor! Invaluit cupiditatibus aut præjudiciis contracta barbara ista consuetudo, ut vix nati infantes, à domo paternâ statim exulcent, & ad venalem nutricem officia materna transferantur. Quod quantum constitutioni infantis tum physicæ, tum morali, ipsique etiâ matris saluti noceat, facile ex dictis intelligitur. Non jam ergò querantur matres, quòd liberi deformitatibus, vitiis, morbis abundant, hæc enim hauserunt illi è lacte alieno; nec quod ipsæ perpetuâ malorum colluvie sca-  
teant, pœnas enim luunt proprii lactis nefariæ perniciæ debitas (2).

(2) Astruc,  
Malad des fem-  
mes, T. II.

XXVI. Sanguinem menstruum tamquam purum habuerunt omnes ferè physiologi.

A quibus tamè non parùm dissentire videtur peritissimus Hallerus. (3) Nam primi-  
mum, quòd rationem habet mucic cum cruore admixti, hunc viscosiorem esse suspica-  
tur, & ità accedit ad hoc Hippocratis: *sanguis ex utero prodit qualis è viellimâ, citò-  
que concrevit.* (4) Deinde verò cum venenatam cruoris qualitatem acriter impu-  
gnat, fluidum hoc in quibusdam mulieribus foetere tamen consistit (5), *Corrup-  
tionem peculiarem sanguinis à menstruum suppressione nasci*, asserens. Quod etiam  
ex Vanswieten Commentariis (6), ipsisque Morgagni cadaverum sectionibus (7) con-  
cludi potest, quamvis iidem authores opinioni non satis directè faveant. Sanguini  
menstruo acre aliquòd inesse docet Bordevius (8), cum quo idem fennè sentit D.  
Lorry, cum affirmat *acre quoddam per menstrua vacuari.* (9) Sed feminalibus effluviis  
non raro imprægnantur lac & sudor (10), licet hæc ab illis procul distent. In menstrua  
igitur aget fortius gas illud, & sanguinis putredinem, aut peculiarem crasim generabit;  
ferè quemadmodum sanguis æhmorrhoidum & hæmorrhagiarum criticarum, acrimo-  
niâ, sibi inditâ, pruritum in partibus excitat, quandiu fluit; & in pelle erup-  
tiones, cum uterque fluxus sistitur (11).

(3) Haller,  
Element. Physiol.  
T. 7, pag. 138.

(4) Hippocrat.  
lib. 1, de mul.  
morb.

(5) Haller,  
Elem. Physiol.  
tom. 7.

(6) In Apho-  
rism Boerhavii,  
T. 4.

(7) Morgagni  
de caus. & sect.  
morb.

(8) Maladies  
chron. cachex.  
sanguine.

(9) De morb.  
cutaneis.

(10) Borden  
loc. citato, Hal-  
ler, Elem. Phy-  
siol. T. 7.

(11) Borden  
ibid. Lorry, de  
melancholia

Hoffman, con-  
sult. Legit etiam  
meretur quæ de  
Lynæie mens-  
truo ipse roder.  
a castro. trad. de  
morb. mul. T. I.

XXVII. Verumtamen si acre quoddam per menstrua vacuetur, ac cutim deturpet  
ætate vegetâ; quantò magis mordax erit sanguis uteri à *quadragésimo ad quinquagesimum*  
*ætatis annum*, cum post angores, morbos sæpè diuturnos, ipsumque etiam rerum  
sex non naturalium abusum, benigna illius crasis corrumpitur. Id rectè quidem Hoff-  
mannus perspexit; juxta quem, *cruor cum non ampliùs depuretur, non solum in quan-*



*itate coacervatur, sed acriorem quoque ac spissorem induit qualitatem* (1). Merito igitur *delitescentibus mensibus, inter pessimas phaenomeni istius sequelas morbos cutaneos* Lorry numeravit, eo rebelliores existimans, quod *cutis mulierum ipsa nituerit* (2). Quorum quidem morborum genus duplex multi interest distinguere, quod nempe ad mensium suppressionem, aut cessationem integram, maximè spectare videatur. Unum genus est, quod pertinet ad tumores calidos, in capillatâ cervicis parte præsertim conspicandos, quos mulieres vulgò, *bosses*, appellant. Alterius verò generis sunt, ovoidei, uno, ut plurimum, pollice longi, rosei, prurientes, ex collo, pectore, aut brachiis sæpius erumpentes subitò, & ità fermè evanescentes; sed cum aliis eruptionibus colligati. Cujus rei, hoc mihi, inter cætera, exemplum singulare compertum est. Mulier annum vitæ quadragesimum quintum agens, parùm & inordinatè repurgata, anxietates, tussim, dolores colicos, spasmosque patiebatur, distis modò cutis vitiiis interdùm obnoxia. Deniquè erysipelate crus dextrum occupante maximè affligitur, tunc etiàm tumore circulari, instar zonæ, genu dextrum cingente. Suppurat erysipelas, ex hoc fluit humor mucofo-sanguineus, pauloquè post ægotans benè se habet. Elapsis aliquot mensibus, cum negligerentur præscripta auxilia, redit erysipelas, at latius diffunditur, nec suppurat; præstò adsunt prædicta symptomata, non nisi vesicantibus excutienda.

XXVIII. Verùm enim verò dùm devius sanguis, hùc atque illùc excurrens, variòscula ferit, dolores capitis, hemicranias, catarrhos, pyrosis, sudores partium diaphragmati superpositarum, sanguinis & humorum raptus, ad superiora promovet: in infimâ corporis parte sæpè sæpius hepar laborat, oppletur lien & dolet periodicè, refluxo scilicet sanguini diverticulum offerens. Maximè etiàm labefactatur ventriculus, abdomen obstipatur, turgent sacculi hæmorrhoidales (3), totusque venæ portarum tractus in dies magis opprimitur. Quare merito *vena portarum porta malorum* (4). Malum augent polypus quandoque uterum invadens, aut etiàm inferiorum artuum venæ, textusque cellulosus, nimium intumescentes. Hinc igitur bilis acrior & redundans, mucus etiàm copiosior, minùsque blandus, sanguini superfusus, perversâ crasi, admiscetur, & per varias corporis partes brevi permeant. *Quapropter multoties & plurifariam occurrit, sæminas quibus ætatis ratio menstruum sanguinis rejectionem abalienavit, doloribus ex calculo insidari, à quibus tamen antea vigente hoc fluxu, fuerant immunes, vel horum loco sevis artuum doloribus corripi* (5). Inò & in utero ipso calculos quandoquè hâc ætate nidulari observatum est (6), cum simul etiàm hujus visceris parietes lapidescerent (7).

XXIX. Latè echymosi sædatis mammas vidi, sicut faciem, pectus & brachia, flavo & fursuraceo quodam caustico deturpata, ut omittam varias stases sanguinis, cum alienatione mentis, epilepsiâ, apoplexiâve plerumquè conjunctas (8). Narrat Hildanus (9) mulierem apud quam ad annum usquè sexagesimum octavum, menses statis temporibus profluxerant, hoc anno cum minùs fluere incœpissent, in febrem

(1) Hoffman, Consult. T. II.

(2) De morbis cutaneis.

(3) Hoff. consult. T. II.

(4) Sthall. dissertat.

(5) Hoff. consultat. p. 538. T. II.

(6) Mim. de l'Acad. de Chir. 7.  
(7) Comm. lict. Norimberg. Jul. 1731.

(8) Hall. El. Phys. tom. 7.

(9) Centur. 2.  
§ 173.

continuum incidisse; deinde materiem in crus sinistrum delapsam, inflammationi & gangranæ ibi locum dedisse, quibus illa paulò post interiit. Casum similem etiàm  
 (1) *Ad. Hassl.* obfervare mihi licuit. Insignem alium refert Olavius Borrichius mulieris (1) quæ  
 vol. 2, obs. 78. dragesium annui viventis, quæ cum usque ad hoc tempus robusta fuisset  
 & vegeta, cessantibus tamen mensuis, pondus in capite sensit, hebesque facta  
 nihil prorsus recordabatur. Epilepticæ à simili causâ mulieris, apud Hoffmannum  
 (2) *Consul. T.* Historia legitur (2). Uterinis hæmorrhagiis cum laborare talia mulier lubrico hoc  
 II. ætatis suæ tempore, polypum matricis sum suspicatus; tùm accersitus D.  
 Veiret, Chirurgus Parisiensis peritissimus, uterum exploravit, polypique detecti  
 ligaturam solertissimè instituit, undè brevi convaluit ægrotans; nec amplius fluxerunt  
 menses antea diuturniores. Quare Hoffmannus: certa atque indubia constat  
 experientia, sæminis si quinquagesimum annum exceperint, cessante menstrua purgatione  
 per uterum, cum variis potissimum chronicis passionibus esse consuetudum  
 (3) *Id. ibid.* (3).

XXX. Non immeritò igitur mulieres edoctæ matrum experientiâ, non sine anxietate,  
 quasi malorum segetem intrat tempus illud ætatis, intuentur (4). Neque alio tempore  
 4. *Lorry, de morb. cutan.* toties erumpunt uteri ulcera putidissima, glandulæ mammarum, herpes, & alia similia,  
 quos affectus omnes, aliquid phlegmonodei semper secum ferre; dolores magis ad lancinantes  
 referri quam ad pruritum; profundioraque esse illa mala, & pus ab illis educi  
 (5) *Id. ibid.* & magis coctum & solidius, rectè quidem existimat autor maxime perspicax: (5)  
 etsi ab hoc dissentiat alter autor, cæteròquin de arte medicâ benè meritus,  
 qui, quòd quædam mulieres tandiù vivere in suâ provinciâ videri, quandiù homines,  
 censet idèò menstruorum cessationem non esse illis infensam (6)?

XXXI. Nequè tamen putandum est multiplici hoc malorum genere mulieres quascumque  
 cruciari. Nam varios illa suscipiunt gradus, qui quidem pendent tùm à primorum fluxuum  
 indole & naturâ, tùm ab illo qui fuit tunc temporis uteri habitu, tùm etiam à secretionis  
 humoris seminalis cessatione. Ex his enim causis nascuntur maximè, quæcumque  
 varietates in repurgationibus mensuis observantur; sive hæ subito cessent, non amplius  
 redituræ, sive per menses aliquot, aut per annos evanescant, diuturniorvè fluxus  
 longiora etiam admittat intervalla, sive continuò per annum & ultrà manifestus,  
 vel obstructionis canceri proximæ sit causa, vel etiam erosio tandem utero, in  
 cacoëthes ulcus commutetur.

### §. III.

XXXII. DE menstruorum cessationis, causâ, tùm etiam de morbis inde nascentibus,  
 satis expositum videtur, dicendum superest quânam i arte declinari possint, aut sanari.  
 Verùm in hoc vitæ discrimine, proptereâ quòd sanguis, mucus, in majus  
 volumen abeunt, ut dictum est, solida plus æquo distrahuntur, deleteriâ matrice

(1) *Ad. Hassl.*  
vol. 2, obs. 78.

(2) *Consul. T.*  
II.

(3) *Id. ibid.*

4. *Lorry, de morb. cutan.*

(5) *Id. ibid.*

(6) *Lepec de la Cloture, malad. épid.*

viriantur humores minùs blandi, ità demùm matrix comparata est, ut nervi vehementiores commotiones suscipiant (VII.) Necessè est igitur sanguinis copiam minui, ejici humorem vitiosum, exitiosamque fluidorum & solidorum diathesim emendari. Hæc consequentia cernit facillè non Medicus tantùm, verùm etiam quicumque valuerit in judicando. Sed Medicus longiùs prospiciens, ad hæc maximè conferre intelligit corporis exercitia, dietam moderatam, sanguinis missionem, purgantia, attrahentia, alterantia remedia & antispasmodica; id quoquè multi interesse, ne hæc alia ab aliis sejungantur. Nec quasi spectator otiosus, ea adhibere nimium differet; sed potius quasi diligens naturæ explorator, totius morbi cursum videns, symptomatibus occurret. Hæc enim ætate rarè evenit, ut morbi penitus depellantur, si invaluerint; idque rariùs, ut non invalescant, si tardiùs succurratur.

XXXIII. Igitur venæ sectio, non sæpiùs quidem, sed per annum ter quaterve repetita fiat, præsertim si mulieres otio indulgeant & lautè vivant (1). Parisiis loquimur in aere parisiensi. Illæ enim quæ multùm exercitantur, maximèque in aere campestri, cum morbis jam prædictis sint minùs obnoxie, minùs etiam præscripto auxilio indigent. Nec terreant desituri fluxus pertinacior diuturnitas, reditus post plures annos, abdominisque & partium infimarum levis intumescencia, imprimis si roseo quodam colore cutis perfusa, pelluceat paululùm, & incalcescat: modò tamen non præcesserit viscerum infarctus cachecticus. Sic Olaius mulierem, quam intermissa jampridè menstrua, nec opinata, octogesimo scilicet ætatis anno invaserant, venæ sectionibus periculo liberavit. (2) Sic quàm plures skirro uteri laborantes, malèque affectas tempore critico, seu minùs, seu minimè repurgentur, repetitâ singulis periodis venæ sectione, à cancro imminente defenduntur. Sic etiam, redeuntibus menstruis licèt paucissimè admodùm, cum sanguinem detrahi juberemus, minùs obsequiosa mulier, consilium deridens, brevi longâ hæmorrhagiâ fuit correpta, quam, cancrum matricis ulcus, phthisis, & mors exceperunt: dum alia, licèt abdomine & cruribus intumescens, pituitamque multam per oppressos pulmones expuens, recurrentibus menstruis jam extinctis, phlebotomiâ sana facta est. Huc etiam confert Hoffmanni præceptum, quod *samina sanguinis plena, vitæque sedentaria addita, post mensum cessationem, maximè si venæ sectiones omittant, doloribus calculosis, varique generis spasms corripiantur: quotidianâ experientiâ docente* (3).

XXXIV. At sanguinem detrahendo, venæ sectionem in talo tuge angue pejus, quidquid contrà dicat idem Autor (4), propriæ sententiæ quandoquè nimium tenax, pace tanti viri dixerim. Namque seu derivationi sanguinis in matricem locum det perversa hæc operatio, seu id fiat ab aliâ causâ non satis exploratè perceptâ & cognitâ, certum est indè pondus uteri & dolores augeri, sæpe etiam vero ædemate intumescere crura, lethalesque prodire visceris hujus hæmorrhagias; hæcque ipse miserrima vidit.

(1) Astruc; *Traité des maladies des femmes*, 2. li.

(2) Collet. *Acad. Part. Etrang. Tom. VIII.*

(3) Hoffm. *consultat. pag. 112. Tom. II.*

Metus est ne festinè mensis morbofi sint & ex vitio uteri nascuntur: sæpe enim lethales esse dudum animaveram est. Haller, *El. Ph.* licet aliter sentiat autor elegans: *De l'homme & de la femme dans l'état du mariage.*

(4) Id. *ibid. T. 1, pag. 3.*

XXXV. Sed in symptomatum pertinaciâ opitulantur hirudines ad anî marginem numero plures admotæ, præsertim ubi prægressa fuerit venæ sectio è brachio, *qua dum in humores omnes agit æqualiter, jamque liberiorem efficit circuitum, viam aperit revulsioni* (1), eaque cum succedat praxis in curandâ melancholiâ, magis præstat adhuc, definentibus menstruis, cum mulieres sint hæc horâ tristes & melancholicæ: eâdem forsan ratione conducunt cucurbitulæ scarificatæ, quas Hoffmannus, præeunte etiam phlebotomiâ, maximè prædicat (2).

(1) Lorry, de  
métachol. Tom.  
II.

(2) Id. Ibid.

XXXVI. De attrahentibus differere hic superfluum. Quantum prosint hæc ætate hujusmodi auxilia, norunt annoſæ mulieres, norunt Practici omnes; nec alio modo ægotæ jam citatæ hebetudinem, aliis remediis rebellem domuit Olaius Borrichius (XXIX). Hoc unum tantum admonere liceat, ea tutè & peropportunè etiam, ad femora, vel ad crura posse applicari, imprimis si affectiones cutaneæ à cessatione menstruum oriundæ, extremas illas corporis partes depravent; nec ea unquam meliùs succedere, quàm si largâ dosi adhibita, majorem deleterii humoris copiam educant. Sed à ceratis scarroicis, quæ circumforanei prædicant, cautè abstinendum; quod ista nerveas papillas vellicando nimium, simul per cutis poros sanguini & humoribus adjungendo se, in interioribus corporis calorem summum, ferèque inexplebilem, venenatâ suâ qualitate valeant excitare, ut tristis sæpè docuit experientia.

XXXVII. Eodem modo, quæ ad purgantia & alterantia pertinent, breviter etiam persequemur. Multum quidè prodest alvum resolvere, & in hoc consistit curationis pars maxima. Ideoque dictas antea venæ sectiones, si repugnent mulieres, supplere poterunt purgantium beneficia, modò tamèn absint symptomata nimis inflammatoria, temperantiùsque illæ vivant, & assiduus utantur exercitationibus. Veruntamen à dulciariis abstinendum, ne flatibus nimis agitur infimus venter, & nervorum spasmos spasmis addat, matricemve simul frequentiori dejectionis conatu, à sede magis dimoveat. Cum alterantibus igitur illa misceantur refractâ dosi, idque sub formâ pillularum, vesperèque antè cænâ assumantur, ut minor sit horum energia, & à somno placidè continuato, manè absquè labore alvus exoneretur. Mirum quantum in hisce circumstantiis successerit hæc methodus, si aliundè summo manè vel lac vaccinum thermalibus aquis commixtum, vel alterantium plantarum succi defæcati & cum paucis sale neutro juncti, opportunè subministrantur, additis interdum pro re natâ sudoriferis remediis, aquâ multâ dilutis.

XXXVIII. Verum enim verò cum his omnibus accuratissimè conjungi antispasmodica, urget maximè indicatio; inter ea tamen non rarò profunt antispasmodica fortia, viroſa & olfactui injucunda, seu naribus admoveantur, seu sub formâ potûs, vel suffutis adhibeantur. Hæc enim sicut effluviis feminalium vices supplent, itâ qualitate sibi propriâ tonum matricis suscitant, utroque modo æquè proficientes, quidquid dixerit autor nimium pervulgatus, qui tonica hæc tanquam incendiaria prorsus repudiâns, ad ravim usquè, clamat *ad aquam*, quam tum in potu, tum in

balneis vult adhiberi frigidam, nec intelligit à se ipso se dissentire, qui sentiat morbos spasmodicos à fibræ nimia tensione oriri.

XXXIX. Nequè tamèn hæc auxilia negligenda sunt, ubi infarctus & oppletio defierint, usurpatis antea thermis sæpè nimium neglectis, quæ, cum obstructionibus viscerum referendis maximè valent, nervorumque naturæ sunt aptissimæ; tum peregrinationibus & corporis exercitio locum præbent, & sic menti recreandæ, corporique reficiendo æquè profunt. *Dici vix potest, quanta vis insit aquis mineralibus, tam internè quam externè usurpatis, ad eradicandas passiones chronicas* (1) à cessatione menstruum oriundas, præsertim si fontibus supponatur infirma hypogastrica regio, repetitoque semicupio, matricis orificium assidue alluatur. Multi enim interest, ut corporis & totius textus cellulosi habitus collabescens sublineatur, commotione abdominis, laxatum viscus succutiat, atque collum hujus sæpè sæpius durum, obstructum, vel plus aequo contractum, ad pristinum statum revocetur. Huc etiam conducunt injectiones detergentes, simulque prædicti colli sensum exquisitissimum sopientes, sicut & in matricis relaxatione leviori, motibusque illius insolitis refræmandis favet admodum cucurbitulæ siccæ applicatio nimium derelicta; quæ de re quæ scripsit Clariss. Collega noster M. Philip (2), non indigna sunt quæ legantur.

(1) Hoffman Consult.

(2) Videtur etiam quæ de usu cucurbitulæ diximus in libro cui titulus. *Conjectures sur l'efficacité médicale,*

#### DOMINI DOCTORES DISCIPLINÆ MAGISTRI.

M. Joannes - Carolus DE-ESSARTZ, antiquus Facultatis Decanus, Academiæ Censor, Collegii Medici Lugdunensis Socius.

M. Ludovicus - Guillelmus LE MONIER, Consiliarius Medicus Regis Ordinarius Primarius, Regiarum Parisiensis, Londinensis & Berolinensis, Academiarum Socius, & in Horto Regio Botanices Professor & Demonstrator.

M. Joannes - Baptista LANGLOIS.

#### DOMINI DOCTORES DISPUTATURI.

M. Joannes COLOMBIER.

M. Ludovicus - Alexander DE CÉZAN.

M. Petrus BÉCHER, Antiquus Facultatis Decanus, Regiæ Hispaniarum Infantis, dum viveret, nec non Regii Exercitii ad infimum Rhenum in ultimo bello Medicus Primarius.

M. Joannes - Carolus DE-ESSARTZ, Antiquus Facultatis Decanus, Academiæ Censor, Collegii Medici Lugdunensis Socius.

M. Julianus BUSSON, Nosocomiorum Regiorum in Britannia Inspector, & Serenissimæ Comitiſſæ Atræbatum Medicus Primarius.

M. Benjaminus - Ludovicus LUCAS DE LAUREMBERT.

Proponebat Parisiis ANTONIUS MATHEY, Aduus, Doctor Medicus Monspeliensis, necnon Saluberr. Facultatis Medicinæ Parisiensis Baccalaureus,  
A. R. S. H. 1780. AB OCTAVA AD MERIDIEM.

Typis QUILLAU Universitatis & Facultatis Medicinæ Typographi. 1780.